

TRENING PROGRAM

PROVEDBA INICIJATIVA ZA UVOĐENJE KONCEPTA NULA OTPADA U LOKALNIM ZAJEDNICAMA

24. i 25. februar, 2022

Trening program Provedba inicijativa za uvođenje koncepta nula otpada u lokalnim zajednicama održan je u okviru IPA projekta prekogranične saradnje Srbija – BiH 2014 – 2020 Opštine sa nula otpada, a kojeg kofinansira Evropska unija. Tijelo za ugovaranje ovog projekta je Ministarstvo finansija, Sektor za ugovaranje i finansiranje programa iz sredstava Evropske unije (CFCU) Republike Srbije.

Ključne poruke treninga donosimo u nastavku:



KLJUČNE PORUKE

za lokalne aktere

- 🚩 Kao odgovor na neodrživi način upravljanja resursima, a svjesni da se i dalje treba ići u smjeru ekonomskog razvoja, sve više pažnje se posvećuje modelu cirkularne ekonomije koje kroz svoj princip zadržava materijal u ekonomiji i stvara mu dodanu vrijednost.
- 🚩 Nula otpada je prepoznato kao sredstvo za implementaciju cirkularne ekonomije u praktična rješenja na lokalnom nivou.
- 🚩 Podizanje svijesti građana, uz usklađivanje postojećih zakona sa konceptom cirkularne ekonomije i donošenjem odgovarajuće zakonske regulative su od krucijalnog značaja za razvoj sistema odvojenog prikupljanja otpada.

🚩 Nula otpada je skup lokalnih inicijativa koje doprinose ne samo smanjenju otpada na području lokalnih zajednica, već, pored toga, uključuje i ekonomski razvoj zajednice uz poboljšanje standarda života lokalnog stanovništva i njihovih društvenih karakteristika.

🚩 Lokalne vlasti i komunalna preduzeća, primjenjujući i podržavajući, infrastrukturno i finansijski, najbolje prakse u uspostavljanju i širenju shema ponovne upotrebe među različitim interesnim stranama, predstavljaju ključnu i važnu ulogu na putu ka cirkularnoj ekonomiji.

🚩 Koncept nula otpada pomaže otvaranju društveno korisnih radnih mjesta.



🚩 Na lokalnom nivou iskoristiti što više iskoristivih frakcija otpada primjenom strategija kao što su sprečavanje nastanka, ponovna upotreba, odvojeno sakupljanje uz paralelno sprovođenje ekonomskih poticaja (takse na odlaganje, produžena odgovornost proizvođača, lokalne sheme depozita, „plati koliko baciš“) i podrške razvoju zelenog poduzetništva.

🚩 Edukacija i obučavanje stanovnika o okolišno održivim praksama kompostiranja i drugim načinima upravljanja organskim otpadom, kao i o smanjenju neadekvatnog odlaganja organskog otpada važna je za razvoj lokalnih zajednica u ruralnim i urbanim dijelovima opština.

🚩 Lokalna zajednica, opština ili grad, treba da podrži održivu upotrebu resursa, „zelenu“ ekonomiju, pristupačnost i jednake mogućnosti za sve građane. Suština nula otpada je okupljanje kompletne zajednice, uz zajedničku koordinaciju i aktivnost svih njenih pripadnika.

🚩 Infrastrukturne mjere u oblasti upravljanja otpadom se moraju provoditi u skladu sa hijerarhijom upravljanja otpadom te uz paralelnu provedbu ekonomskih instrumenata. Ekonomski instrumenti koji se provode na lokalnom nivou primjenjuju se kao sredstvo za postizanje ciljeva postavljenih lokalnim strategijama upravljanja otpadom i način su da se prije svega potakne odvojeno sakupljanje otpada i smanji finalno odlaganje na deponiju.

🚩 Provedba inicijativa nula otpada ne može funkcionisati bez aktivnog uključivanja zajednice. Bez pravovremene i ispravne komunikacije sa građanima ne može se očekivati održiv i adekvatan sistem upravljanja otpadnim frakcijama. Upravo jer se radi o lokalnim inicijativama, uključivanja zajednice daje im osjećaj pripadanje, želje i potrebe da budu dio pozitivnih promjena.



Više o projektu i projektnim rezultatima pronađite na

www.opstinesanulaotpada.com